



A VDICT SIEVR D'HASTINGS, &c.

SONET.



I N S I qu'un bastiment dont la teste leuee
Se pousse vers le ciel, est honoré d'auoir
Un marbre sur son front qui belle face voir,
Auant qu'on soit dedans, sa glorieuse entree:
Ce liure (dont le traict non seulement recree
Celuy qui l'apperçoit, mais aussi a pouuoir
Par sa diuersité & grandeur d'esmouuoir)
Se plaist de vostre nom dont sa face est paree.
Et si vous permettez que vostre nom l'honore,
Sur le temps qui nous fait, & qui puis nous deuore,
Ayant faict vostre cours, il vous fera vainqueur:

*Ainsi comme Hieron & le grand Demetrie,
Qui honorans ces arts en Sicile & Asie,
Recoyuent aujourdhuy par eux vie & honneur.*

FRANCOIS BEROALD.

MUSA FOELICITAS ALTERA.

A LUY MESME.

M O N seigneur, cil qui void les engins de *BESSON*,
Ne pouuant pas sonder la science secrette
De cest art tant subtil, *BESSON* mesme il regrette,
Pour de tels instrumens luy faire vne lecon.

Mais puis que *BEROALD* a trouué la facon
D'expliquer ces engins, il n'y a point de perte
En la mort de *BESSON*, sa vie est recouuerte:
BEROALD maintenant nous met hors de soupçon.

De si viues raisons ces pourtraicts il explique
Par l'art industrieux de sa *Mathematique*,
Que de tous ses engins on comprend les effects.

Puis il a son labeur sacré à vostre gloire,
Digne entre les *Francois* de l'heureuse memoire
Que merite l'effect de ces rares pourtraicts.

HEUR DE LABEUR.

LE DIGNE.

A. ij.